

1232 S/P 55151

TENTAMEN MEDICUM

D E R A B I E ,

Quod Deo duce & auspice Dei-parâ ,
in Augustissimo Ludovico Mon-
pelienfi , Trimestri Aprilis decur-
rente , anno vero 1787 , publicis
subjiciebat disputationibus

A U C T O R ,

JACOBUS BARROIS , è Vico
Pierrefitte apud Boïos , Diœcesis
Æduensis , Liberalium Artium Ma-
gister , saluberrimæ Parisiorum Fa-
cultatis Medicinæ jam-dudum Alum-
nus , nec-non in hâc celeberrimâ
Universitate studiosus.

Pro Baccalaureatûs Gradu consequendo.

Medico Tyroni plurima noscere pulchrum , plurima
ignorare ineluctabile.



MONSPELII,
Apud JOANNEM-FRANCISCUM PICOT , Regis & Universitatîs
Medicinæ Typographum unicam.

M. DCC. LXXVII.



CARISSIMO PATRI

*CUM nulla hucusque, CARISSIME PATER,
meam tibi notam facere gratitudi-
nem, se præbuerit occasio; hanc
coram omnibus testificandi, & omissa
in te, si quæ fuerint, reparandi,
occasionem arripere mihi liceat, pre-
cor: annuere ne dedigneris opusculo
quod tibi in perpetuum amoris, grati-
tudinis & reverentiæ monimentum,*



D. V. C.

Tui amantissimus, devinctissimus,
subditissimus, obsequentissimus servus
& filius

J. BARROIS.



TENTAMEN MEDICUM DE RABIE,

EX morbis tam diverse gentem humanam profligantibus, nullus sane sævior extitit, quam hic de quo jam sum dicturus : paucis enim abhinc annis incassum in hocce morbo tentatorum remediorum pertæsi, hunc amplius debellare negarunt Medici ; undè crudelissimo humanitatis, principio, desperatus æger in lecto vinculis adstrictus, miserrimæ suffocationi, rei instar, affinibus sibi quandoque carissimis condemnabatur (1) ; *quid de tam exquisitâ barbarie nepotes ?*

Rabiei definitio.

Rabies de quâ nunc nobis erit disceptatio ,

(1) Voyez après cela combien il seroit cruel d'étouffer ceux qui sont atteints de la rage : on l'a fait pendant plusieurs siècles dans toute l'Europe , on le fait encore dans quelques Provinces de France , & on l'a fait à Paris il n'y a pas long-temps : quelle barbarie ! on n'en peut soutenir l'idée. *Portal, Obser. sur la rage, Pag. 92 in notis.*

est morbus in quo siti ingenti simulac potentiorum omnium horrore, maximo & insuperabili mordendi cupiditate cruciatur miserri-
mus æger.

Hydrophobiæ etiam nomen accepit hic morbus quia horror aquæ ipsi est pathognomonicum symptoma.

Rabiei etiologia.

Licet rabies ut plurimum ab aliis animalibus hæc correptis transmittatur, interim tamen multis & quidem luculentissimis observationibus constat hanc animali non rabido (1) posse inculcari non solum, sed & absque ullâ causâ externâ (2), in corpore, acutis quibusdam morbis (3), ira & nimis animi pathemati-

(1) Viri rebus anatomicis versatissimi (Morgani) parens à suâ in epilepsiæ paroxysmo filiâ demorsa, in hydrophobiam incidit. Febricitantis morsus, teste *Mangeto*, eundem apud Sa cerdotem morbum procreavit.

(2) *Aurelianus* credit esse possibile, sine manifestâ causâ hanc passionem corporibus innasci, cum talis fuerit strictio sponte generata, qualis à veneno. *Acut. morb. Lib. III. Cap. IX. N°.* C. Page. 219.

(3) *Salus Diversus* in muliere triginta sex annorum febre pestilenti detentâ primò, dein hoc morbo expugnato, dysentericâ redditâ atque denuo curatâ, manente tamen febriculâ quâdam vidit hydrophobiam nasci, & quidem tali gradu ut alios coram se bibentes sustinere non posset; mens tamen semper constabat, & octavâ die post quam omne liquidum horrere incepit, mortua est; ægra autem & mater ejus sanctissime asseverabant, quod nunquam nec à cane rabido, nec à sano tacta fuisset. De feb. pestil. & seq. Cap. XIX. Pag. 362.

bus (1) venere nimia (2) nonnunquam fuisse productam. Ast cum rabies talis rarius occurrat, nec tam horrendis, nec æque curatu difficilibus stipata symptomatibus incedat; cum præterea harum cuique sit eadem curationis methodus; de primâ tantum, de eâ scilicet quæ, cuilibet animali sano, à rabido communicatur agere mihi animus est.

Fortè dubitari posset an non potius hic morbus ad morbos acutos, quam ad morbos chronicos pertineret; simulac enim in actum deducitur rabiosi animalis venenum susceptum, tunc paucorum dierum spatio occidit, & plerumque febrim habet comitem; interim tamen, ut posteadicam, sæpè diu latet hoc in corpore venenum.

Aurelianus acutorum morborum numero adscribit rabiem, de hocce morbo habens sequentia: cum non oporteat illud tempus ægrotanti imputari quo nec dum rabie vexatur,

(1) *Boerhaavius* asserit se vidisse lictorem qui carnificem aliunde accersere debuerat, ut publica de homine scelesto sumeretur pœna, incidisse in febrem ardentissimam, omnemque potum oblatum cum summo horrore repudiavisse, & tertio die periisse. Legitur de juvene viginti annorum, temperamenti calidi & sicci, qui summa excandescens ira, proprium digitum indicem inomordit, unde intra viginti quatuor horas hydrophobus factus est; & quidem adeo ut ad solam aquæ mentionem, strangulari videretur: dein maniacus ac plane furibundus factus subito, periit, dum post æruginosam materiam, bilem sinceram vomebat. *Epist. Joann. Bapt. Scaramucci*, ad *Anton-Magliabech*. In *Miscel. curios.* decad. II. Ann. 9. 10.

(2) *Mead* parle d'un homme chez lequel l'accès de la rage se développa la première nuit de ses noces; il fut trouvé expirant le lendemain; sa femme dont il avoit rongé le ventre, étoit morte à ses côtés.

quippe cum passio necdum corpus afficiat, & cum emicuerit non habeat superpositiones seu dilationes, sicut qui specialiter tardis afficiuntur passionibus & ob hoc celerrime ægrotautes interficiat non solum ut acuta, sed & etiam ut continua passio. *Acut. morb. lib. 3, cap. 11, pag. 222.*

At cum demorsus ab animali rabido causam morbi jam habeat hærentem in corpore, & cum præterea, quidam insolitâ mœstitiâ obruti, totius corporis macie comitante apparuerint diu antequam rabies illos fuerit aggressa; non quidem absolum videbitur quod hic morbus inter chronicas affectiones numeretur, licet ultima ejus periodus acutorum more ægros de medio tollat.

Nullius veneni tam multiplex contagium; etiam vel levissimo morsu nequidem sanguinem eliciente (1) sed & spiritu ex ore (2) rabiosi animalis pulmonem alterius ineunte, (si *Aureliano* credatur) spumæ contactu recentis, vel

(1) Testatur *Hyldanus* de juvene viginti annorum cujus pollicem rabidus felis messis tempore, unguibus scalpendo læserat adeo leviter ut vix offensa fuit epidermis, quod initio mensis Martii hydrophobus periit. *Observ. de Chirurg. Cent. I observ. LXXXVI.*

Un Abbé du Vivarais est mort enragé pour s'être laissé lécher par un chien une legere échorchure que son perruquier lui avoit faite en le rasant. *Portal. sur la nat. & sur le trait. de la rage, Page 67.*

(2) Hominum hydrophoborum quidam in hydrophobiam deveniunt solius aspirationis odore ex cane rabido adducto, cum deflectione quâdam naturalis inspiratio vexata, venenosum aërem adducit & talibus inserit partibus. *Aurelianus. acut. morb. lib. III. cap. IX. Pag. 218. 219.*

etiam dudum exsiccatae labiis linguâve excep-
tæ (1); contactu instrumenti (2) vel vulneris
quo animal rabiosum fuit occisum, esu san-
guinis (3), lactis, carnisve (4) sic affecti ani-
malis; coïtu (5), osculo dato (6), mœrâ deni-
que hujusce spumæ applicatione (7), inculcari
poterit rabies.

(1) Sartrix quædam cum chlamydem scissâi rabidis moribus,
refarciendam fumeret, atque ore stamina componeret, & ore
pannorum suturas lamberet assuendo quo transitum acus faceret
faciliorem, tertiâ die in rabiem venit. *Aurelianus* morb. acutor.
Lib. idem. cap. Id. n°. C. Pag. 219.

Similem casum dum viderat *Hyldanus* vix audebat illum pro-
ferre, dum ab omnibus pro fabulâ habebatur: matronæ vestem
arripiens dentibus canis rabidus, illam laceravit, huc & illuc
trahendo; cæterum matronæ nullum vulnus inflixerat: illa nesci-
ens canem rabidum fuisse, laceram vestem refarcivit, filo denti-
bus abscisso, & post tres menses hydrophoba facta periit. *Observ.*
Chirurg. Cent. I. n°. LXXXVI. Pag. 62. *Palmarius* vidit ex
straminis, in quod rabie perciti sues decubuerant esu equos,
boves, oves, & reliqua animalia quæ stramentum degustave-
runt, rabiem contraxisse, tandemque periisse. *De morb. contag.*
Pag. 167.

(2) Apud *Schenkiu* legitur casus de puero qui abstergens
rubiginosum gladium quo ante plures annos, rabiosus canis confos-
sus fuerat; malâ fortunâ digito suo inflixit vulnusculum atque inde
periit hydrophobus. *Observ. Medicin.* Lib. 7 Pag. , 848.

(3) Legitur etiam canem factum fuisse rabidum, dum san-
guinem de venâ hominis hydrophobi missum lamberet. *Acadêm.*
des sciences. ann. 1707. *Histoire.* Page 31.

(4) Dum lupi sævioris in varia obsoniorum genera parabantur
venatoribus, omnes illi qui inde comederant non multo post tem-
pore rabie fuerunt correpti. *Fernel.* de morb. contag. Lib. II.
Cap. XIV. Pag. 5. 9.

(5) Homo enim à rabido lupo demorsus neglexit plagam;
coïvit cum uxore, post aliquot dies & ipse & uxor in hydropho-
biam inciderunt. *Frederic Hoffman.* Medic. ration. system. Tom.
II. Part. II. Cap. 2 Sect. X. Pag. 178.

(6) Exemplum hujus rei habet *Schenchius* de patricio viro
qui rabiosum canem antequam dimitteret suffocandum osculatus
postea hydrophobus periit. *Observ. Medic.* Lib. VII. Pag. 848.

(7) Rusticus quidam rabie perculsus furis que agitato se brevi
moriturum intelligens, assidentes qui eum vinculis adstrictum tene-
bant obnixè rogavit ut quos mox deserturus esset liberos, sibi

Rabiei diagnosi.

Sive venenum salivam immediate affecerit, five aliis partibus fuerit infusum, quod morfu (imo ut supra dixi linctu) evenit, modo tamen dentium mucus & saliva non penitus deterfa fuerit, ut accidit sæpissime cum trans vestes crassas lanatasve quispiam ab animali rabido fuit demorsus, saliva vel mucus inferunt vulneri venenū ut plurimum crassum quod ibi loci fovetur, exaltatur, resolvitur per varium tempus: licet enim sæpissime circa quadragesimum à veneno suscepto diem rabies sequatur, attamen ratione afflictarum partium, tempestatis anni, gradus morbi in animali mordente; ratione temperiei & regiminis demorfi, ratione denique adhibitorum remediorum, promptior vel tardior hujus veneni fiet eruptio. Promptior scilicet si immediate per salivam rabiosi animalis, sani alterius salivæ fuerit communicatum, ut fit iis qui in facie aut etiam orē vulnus acceperunt; si tempestas anni æstuosa & sicca, si animal à quo fuerit demorsus quispiam, rabie summâ laboraverit; si demorfi temperies fit sicca, calida, biliosa, si victu & medicamentis acerrimis vel valde calefacientibus utatur.

Ast si vulnus extremitatibus fuerit inflictum,

deosculari liceret; quod cum ei fuisset concessum, liberisque oscula libasset præfocatus est; sed ecce septimo post die eodem morbo correpti, iisdemque cruciatibus torti, miseram vitam cum morte miserrimâ commutarunt. *Palmarius de morb. contag. Pag. 262.*

si tempeſtas anni humidior, ſi animal mordens rabie incipiente non adeo male mulſetur, ſi demorſus ſit pituitoſus, ſi ipſius victus regimen ſit blandum, aquoſum, leniens, refrigerans; ſi medicamentis utatur antiphlogiſticis tardior veneni fiet declaratio. Non deſunt apud clariffimos auctores teſtimonia quæ comprobant nonnullos, paulo poſt morſum rabie percuſſos fuiſſe (1), ſunt & quæ demonſtrant homines à rabidis animalibus demorſos per plures meſes (2), imò & annos (3) in ſinu latens hydrophobiæ germen geſtaſſe, & toto illo tempore nihil incommodi ſenſiſſe, donec tandem febre aliove morbo correpti rabiei venenum evolveretur.

Cùm autem dictum fuerit quandoque in acu-

(1) *Baccius* vidit olitorem à veteri gallo gallinaceo in manu vulneratum, primâ die rabioſum factum fuiſſe & tertiâ die mortuum.

(2) *Lithotomus* quidam (inquit *Conraldus Geſnerus*) apud nos ante ſex aut ſeptem ſeptimanas à cane rabido morſus, cum aliquandiu nihil ſenſiſſet, ſubito timore aquæ ſuperventu, intra liduum miſere periit. *Epist. Medic. Lib. 3.*

Vidi & ipſe (inquit *Hieronimus Fracaſtorius*) puerum qui poſt octo meſes ex quo demorſus fuerat, contagionem oſtendit, ex quâ mox periit. *Lib. 2. de morb. contag.*

(3) Refert *Guainerus* in tractatu ſuo de venenis. *Cap. 12. de morſis à cane rabido* ſe à fide digno accepiffe quod cuidam poſt decimum octavum annum à cane rabido morſo, metus aquæ acceſſerit & die tertiâ hydrophobiâ perierit.

Quo fit ut qui à cane rabido morſi ſunt, non mihi valde tuti eſſe videantur; non enim ſtato definitoque tempore metus aquæ exoritur. *Foreſtus de cerebri morb. Tom. I. l. X. Obſerv. XXXIIIV, Page. 351.*

Schneidius vidit mulierem quæ ante viginti annos à cane rabido demorſa, toto illo tempore nihil incommodi inſenſerat, deinde corripiebatur febre malignâ & hydrophobâ factâ, octavâ morbi die periit. *Miſcel. curios. decad. I. Ann. IX. Pag. 117.*

tis morbis sponte nasci rabiem, merito potest dubitari an illud malum acuti morbi tempore eruptum tribui debeat contagio plures annos ante suscepto & tandiu in corpore latenti absque ullo malo effectu; ubi vero incipit actuum fieri rabiei germen, tunc producit morbum acutissimum uno sed ut plurimum lethali & brevissimo paroxysmo stipatum.

Quando de curâ hujus morbi dicetur, patebit quod ubi vel minima hujus contagii suscepti adest suspicio, illico adhibenda sint efficacissima remedia, antequam diris symptomatibus se manifestet latens virus; verum enim ubi talis medela neglecta fuit, quod fit sæpissime insciis hominibus vel obliviscentibus quod infecti fuerint, magnæ utilitatis erit cognoscere prima indicia quibus hic morbus se præbere solet, ut illico tentari possint congrua auxilia; verum ut clarior pateat symptomatum enumeratio, rabiem in tres gradus, nempe in imminuentem, in incipientem & in extremam, quorum cuique sua propria erunt symptomata, dividere decrevi. Sit igitur.

Primi rabiei gradus seu rabiei imminuentis

Diagnosıs.

Quoquomodo rabidi animalis venenum in humano corpore penetraverit, serius ocus, ut jam annotavimus, hoc infestus incipit sequenti ordine ægrotare; dolet locus cui fuit impressa

contagii labes, dolores vagi per totum corpus, præcipue tamen ad viciniam loci affecti percipiuntur; desunt subito vires, levi convulsivo motu agitantur muscoli; somnus fit inquietus, horrendis phantasmatibus, convulsionibus & subsultibus perturbatus; timore & hypocondriacâ affectione torquetur æger, cogitabundus, morosus & tristis incedit; suspirat, quandoque lacrymas invitus etiam effundit: solitudinem appetit, hominumque societati se subducere potissimum curat. Pallor os & macies totum corpus certatim depascere videntur; pulsus est parvus, strictus, in affecto præsertim membro; sæpissime in regione epigastricâ dolores & quam vehementissimos experitur æger; illi vox fit rauca, interrupta; modo urinæ incontinentiâ modò sævâ dysuriâ vexatur; verùm si fluant urinæ libenter, tunc lymphidæ sunt cutis est sicca & aspera; transpiratio mirum in modum imminuitur. Ipsi extrema primum rigent, & rigor iste totum corpus sensim invadit, qui tamen per varia temporis stadia minuitur & denuò exacerbatur.

Si vulnus fuerit inflictum, cicatrix licet jam dudum facta, dolet, livescit, elevatur; ipsius vicinia tumescunt, emolliuntur; crusta plagam operiens est rugosa & inæqualis; recrudesceit quandoque vulnus & virulentam saniem stillat.

Apud celeberrimum *Sauvagesium* plures casus leguntur quibus edocemur dolorem obtusum cicatricum, illarumque elevationem cum duritie majori præcessisse hydrophobiam.

Hæc probant aliquam mutationem in loco infecto

in cicatricibus vulnerum præsertim (1) præcedere ut plurimum statum ubi latens virus incipit actuosum fieri, unde verosimile videtur, illud venenum susceptum in loco vel demorso vel spumâ irrorato, tandiu adhæsisse, quandiu actuosum circumstantiâ quâlibet aptâ reddatur.

Primus hic rabiei gradus in quibusdam durat diutius, in aliis citò succedit hydrophobia; quoad ultimum casum, legitur de homine qui per quindecim dies in crure demorso dolores, & per integram septimanam, singulis noctibus, rigores, æstus sudores, experiebatur, tuncque stupebat subitò quod scyphos, uti muneris ratio postulabat, aquâ nullo modo posset abluere, & intra biduum periit hydrophobus (2).

Secundi rabiei gradus seu rabiei incipientis

Diagnosıs.

In illo morbi stadio omnia supra dicta symptomata valde augentur, præcordia ingenti an-

(1) Plurimæ observationes confirmant primum signum veneni actuosum facti, in ipso demorso loco & præcipue in cicatricibus vulnerum jam consolidatis sæpissime apparuisse; imò *Aurelianus*. pro universâ regulâ hoc statuit, dicens: præpatitur enim ea pars quæ morfu fuit vexata, unde initium denique passionem sumere nemo negat. *Acut. morb. Lib. III. Cap. XIV. n°. CXVI. Pag. 226.*

(2) *Sauvage. Dissert. sur la nature & la cause de la rage. Page. 12, in notis.*

gustia premuntur, accedunt etiam, respiratio difficilis, anhelosa, suspiria frequentiora, maxillæ inferioris continuus motus; tetanos non raro & quandoque bilis cujusdam fuscae aut porraceæ ejectio; horror, fremitus, stridor dentium; ventriculi & gutturis tumefactio; furor: aquæ non tantum (1) sed & rerum vel minime pellucidarum aut instar speculi (2) reflectentium aspectu. Ossam spissam, aut solida quædam hujusmodi alimenta tantum deglutire possunt & avidè comedunt ægri, quandoque tamen adhuc aliquam liquidi copiam sorbere poterunt, sed maximâ cum difficultate & miris contorsionibus totius corporis.

In quibusdam observatum fuit quod à propriâ salivâ deglutitâ, statim adeo augerentur symptomata, ut mox se morituros autumarent.

Aëtius notat quandoque observatum fuisse quod ipsum aëris motum horreant, hincque adstantes rogent ut cubiculum clausum maneat & halitum ab ipsis etiam avertant (3).

Nonnulli etiam canis imaginem in aquâ videre sibi fingunt (4) & cum illis offertur li-

(1) Non timet autem hydrophobus solam aquam, sed & quidquid liquidum aut humidum instar aquæ est. *Forestus* de cereb. morb. Tom. I. Lib. X. Observ. XXVII. Pag. 349.

(2) Hi (inquit *Aëtius*) ubi aquam vel aliquid aliud lucidum tanquam speculum inspexerint, propriam faciem adeò rubentem, visumque torvum & irarum plenum contemplati deterrentur.

(3) Philosoph. Transact. Abridg. Tom. 5. Page 366. *Sauvage*. Dissert. sur la nature & la cause de la rage. Page. 12. in notis.

(4) Fieri potest etiam ut quidam testantur ut rabidi canis imaginem videre in humido putent, quam speciem recolentes

quidum quodlibet, anxietate incredibili, tremore, horrendis convulsionibus male torquentur.

Tunc abit frigus, omnes artus occupat calor primum æqualis in toto corpore & minime vexans; sed citius celerius augetur; partes internas, caput, guttur, loca demorsa præcipue urit. Pulsus ratione caloris augmenti oscillatur sæpissime, accenditur febris licet id raro fieri celeberrimus Auctor asserereverit (1); perpetuo vigilant, priapismo immodico (2), involuntariâ feminis ejectione (3) cruciantur, alienarum & insolitarum cogitationum longâ serie sollicitantur.

protinus horrore, ingenti timore preoccupentur. *Forestus*, de cereb. morb. Tom. I. Lib. X. Observ. XXVIII. Pag. 351.

Vidi ego tales abhorrere in poculo canes, ac abigendos ex cubiculo exclamare. *Baccius* de venenis, Pag. 76.

(1) *Salus diversus* testatur se tantum binos vidisse qui hunc morbum unâ cum febre patiebantur, quorum unus à cane rabido demorsus, ulcere jam sano, ex vehementi ictu contusionem ingentem in imo ventre acceperat; unde validâ febre prehensus, & paulo post rabie correptus, tertiâ die vitâ functus est.

Alter casus ubi febrim hydrophobiæ comitem observavit. *Salus*, erat in muliere quæ absque contagio affecto, in acuto morbo hydrophoba facta fuerat; his autem binis casibus exceptis, inquit, reliquorum rabientium quos ego vidi, neminem sensi ullâ conflitari febre nec hujus adesse suspicionem ne dixerim signum observavi. Hinc colligo, rabientes ratione proprii virus non febricitare, si autem aliquando febricitent, hoc ex corporis præviâ alterâ indispositione fieri. De febr. pestil. Pag. 558.

(2) Priapismus est involuntaria & perpetua penis erectio; sic à *Galeno* definitur: incrementum pudendi stabile in longitudinem & orbem tumefacti circa rei venereæ appetentiam. De compos. medicament. secund. loc. Lib. IX. Cap. IX. *Charter*, Tom. IX. Pag. 624. 625.

(3) *Hernandes* narrat bajulum ultimis tribus diebus vitæ suæ; involuntariis & perpetuis pollutionibus semen & animam simul efflavisse. *Rerum, Mexican. Medicar. thesau.* Pag. 493.

Tertii rabiei gradus seu rabiei extremæ

Diagnosıs.

Omnia hactenus recensita symptomata solent secundum morbi gradum comitari, verum in hoc tertio, citò majora fiunt, hisque plurima alia junguntur; tunc talium hominum miserrima fit conditio. Sitiunt immaniter, sed nequidem potum nominari ferunt quin furore perciti convellantur (1). Linguam hiantis canis instar educunt (quæquidem tunc est asperrima); illis vox est rauca, in ipsorum ore ingens fit salivæ spumantis & acerrimæ collectio, quam in adstantes exspuere vel inviti conantur. Ardore obvio quæque mordendi nec à voluntate comprimendo premuntur: non nisi cum maximâ difficultate solidiora alimenta deglutire possunt. Pectus eis valdè coarctatur, adeo ut anhelitum vix trahere possint, & respiratio fiat stertorosa; vultu torvo & minaci terrent adstantes; vox tunc raucissima fit & nonnunquam penitus supprimitur; urinæ jam non amplius fluunt, vel ruberrimæ ejiciuntur. Oculi sunt fixi, corpus omne, collum, facies præcipuè tumef-

(1) Dum vena his secari debet, itâ in fluenti sanguine aver-tenda sunt ægrotantium ora, atque manu excipiendus fluor, ne sonitu percussî commoveantur. *Aurelianus acut. morb. Lib. III cap. XVI. n°. CXXVII. Pag. 230.*

cunt ; genæ rubent , labiæ & palpebræ nigrescunt : sudore gellido inundantur ægri ; attamen , quod mirantur omnes , mentis sunt compotes (1) ad mortem convulsivam usque maximâ ut plurimum in respirando angustîâ comitatam & vulgò intrâ quartum diem à primo metus aquæ insultu accedentem.

Id post mortem interim notatione dignum , nempé quod mediâ etiam hyeme , horumce corpora , intra quindecim horarum spatium pessimè computruerint.

Licèt dixerim hocce morbo correptos , semper mentis fuisse compôtes , attamen vis morbi nonnullos quasi furentes facit ac insanos præcipuè si virilis sexus , si ætatis jam validioris , aut pravæ sint educationis (2) ; sunt enim qui tam æquo animo malum ferunt ut tentamina quæ adhibentur ut potum assumant , non patiantur tantum sed & cum more canum

(1) Observatio habetur de hydrophobo qui non solum mente constabat per totum morbi decursum, verum quibusdam adstantibus visus fuit melius ratiocinari quam sanitatis tempore. Philosoph. transact. Abridg. Tom. III. Pag. 281.

La frayeur est si grande dans quelques-uns, dit M. Portal, qu'ils s'imaginent voir continuellement ou par intervalles l'animal qui les a mordus, ou de gens armés de verres & de bouteilles : ils raisonnent d'ailleurs assez juste sur tous les autres objets. Observ. sur la nat. & le trait. de la rage, Page 25.

(2) D'autres ne sont jamais furieux ; ils pleurent & périssent sans éprouver de convulsions. Observ. du Doct. Royer. Howman. Transact. Philosoph. N°. 169. Art. I. Ann. 1683.

L'éducation, dit encore M. Portal, peut influer jusqu'à un certain point sur la fureur qui survient dans cette maladie ; ainsi, dit ce Médecin, le célèbre Baldo dissertoit sur les causes de la rage & se vainquit au point de boire plusieurs fois pendant les plus violens accès de cette cruelle maladie. Ibid. Pag. 68.

mordere cogerentur inviti & reluctantes, custodes rogaverint ut ipsos cohercerent validè, ne in adstantes insilire possint; imò vincula apponi libenter tulerunt quidam ut sic securi essent se aliis nocere non posse.

Sunt autem & benemulti qui tam ærumnosæ vitæ pertæsi hujus finem accelerare desiderant; apud *Joannem Bauhinum* legitur historia de rabiosâ puellâ quæ socerum obnixè rogabat ut sibi mortem afferret. De la rage des loups, pag. 79.

Non semper tramite continuo hic morbus decurrit; sæpè enim exacerbantur omnia & dein parum remittunt, novæ furoris quasi paroxysmo: rubore faciei majore, oculorum fixitate, musculorum faciei distortionibus, talis exacerbatio prænuntiatur.

De sede hujus morbi non conveniunt Auctores; alii in corde, ut v. g. *Codronchius*, alii in nervis, ut *Democrites*, alii in cerebri membranis, nonnulli etiam in cardia ipsi locum assignaverunt.

Plinius existimat linguæ canis inesse vermiculum quemdam hydrophobiam procreantem (1).

Ast ego cum magnam inter hanc & epilepsiam similitudinem existere judicaverim, istius morbi sedem in nervoso systemate collocandam libenter statuissem, nisi meam de hâc re sicut

(1) Est vermiculus in linguâ canum qui vocatur à græcis lytta; quo exempto infantulis, catulis; nec rabidi fiunt, nec fastidium sentiunt. H. st. natur. Lib. 29. Cap. 5.

de aliis sententiam , patres conscripti , vestro sagacissimo judicio submittere mihi legem imposuisssem.

His expositis videamus nunc quæ fuerint observationes tum ex vivis , tum ex cadaveribus depromptæ.

In diversis rabiei temporibus sanguis ferè semper naturali constitutione frui visus est , & licet celeberrimus *Sauvagesius* hunc in primo morbi stadio coagulatum , dein solutum apparuisse asseveret , *Morgagni* , *Lister* , *Haguenot* , multique alii illustrissimi Auctores tali opinioni maxime adversantur , cum nullam in sanguine rabiosi alterationem unquam vidisse affirmaverint.

Cadaverum sectio docuit quod hocce morbo defunctis organa deglutitioni non tantum sed & quandoque aspera arteria (1) ventriculus , ipsaque intestina inflammatione correpta (2) glutem biliosum in ventriculo , pericardium siccum vesiculam fellis atrabile plenam , pulmones siccos , sanguine coacervato ingurgitados (3) arterias cruore liquido plenas , venas vacuas , musculos siccos , pinguedine ferè privatos ; viscera , cerebrum , cerebellum , spinalis medulla solito sicciora (4) inveniantur.

(1) Académ. des sciences. Ann. 1699. Histoïr. Pag. 55.

(2) *Hernandes* , rerum. Mexican. Medicar. thesaur. Pag. 494.

(3) Sic vidit *Joannes Faber Lyccus* in cadavere hydrophobi nigerrimum in dextro cordis ventriculo sanguinem quo omnino carebat sinister ; erat autem hic per pulmones mire accensos & tumidos plurimus dispersus. *Hernandes*. Rerum. Mexican. medicar. Thesaur. Pag. 494.

(4) *Bonnet*. Sepul. Anatom. Tom. I. Lib. I. Sect. VIII. Pag. 210. 212.

Rabiei prognosis.

Quo diutius animal quodlibet rabie laboraverit, quo morti propinquius erit, eo periculosior ipsius morsus eoque eventus demorso funestior: præterea aëris æstus, temperies calida ac biliosa, animi violentæ affectiones (1) hujus morbi incremento mirum in modum favebunt. Major minor-ve spes erit, prout symptomata morbi leviora vel graviora fuerint, prout æger hilaris, vel vehementer eventus morbi sollicitus fuerit.

Cum non dentur medico indicia certa quibus constet venenum rabiosum post remedia adhibita non amplius in corpore latitare, primis expulsis symptomatibus, metuendum adhucdum erit ne dirus hic morbus sequelam aliquam patiatur: ast vero cum futuri mali metus nonnullos, & quidem dudum demorsos ad rabiem transire facit, ut pluribus observationibus constet (2), Medicus de hoc dubio potissimum silere debet.

Quod spectat ad hunc morbum jam ad aquæ

(1) Ad hunc morbum patefaciendum haud minime conducunt ingentia animi pathemata: vir quidam à canè rabido demorsus fuerat, tribus abhinc mensibus à quodam minitatus, timore aquæ corripitur; paulo post rabiosus factus periit. *Portal. observ. sur la rage. Page. 71.*

(2) Mirum in modum etiam quibusdam ab animali rabido demorsis, metus hujus morbi, ipsius declarationem acceleravit: *Robertus Chambourigaud* de quo loquitur illustrissimus *Sauvagesius*, nobis casus similis exemplum suppeditat; à lupo rabido fuerat demorsus iste, mense februario anni 1746 optime se habebat vineamque secabat; trigesimâ tertiâ die à quo fuerat morsus, imprudens villicus illi narrat quosdam sexto post morsu-

horrorem provectum, de hoc curando fere omnes desperaverunt Medici, venenum enim jam actuosum factum sat certò indicat talis horror: sequentia de hocce habet *Paulus Ægine-ta* miserrimum sane & molestissimum morbi genus, maxime que perniciosum, ita ut qui hoc vitio sint occupati nullum præter quam unum & alterum servatum fuisse ex historia didicimus; eosque non à cane morfos, sed ab homine (1) quodam morso rabiente & aquam jam timente vitium adeptos.

Unde etiam *Salvus Diversus* morbi hujus cum jam metus aquæ adfuisset curationem in dubium vocat dicens: cum enim ab eo tempore citrà per tot secula nullam habuimus historiam attestantem rabiem confirmatam sanatam fuisse; in dubium mihi vocatur de fide horum scriptorum: quod si vero hi ex hoc morbo salvati sint, in eam sententiam ut incipienti, non progresso morbo reluctatum sit. De febr. pestil. pag. 366.

Forestus etiam talibus nos monet: molestissimum & dum jam occupavit, insanabile est hoc morbi genus; ante tamen hujus occupatio-

ram mense rabidos factos periisse; hæc audiens *Robertus*, Vix ad domum reversus cum tristis cogitabundus appetituque privatus invenitur. Ipsi jam consolidatæ horribili modo recrudescunt cicatrices, febre corripitur; illi quater in die vena secatur: aquam abhorret; die quintâ rabie teterrimæ symptomatibus cunctis correptus se suspendere non dubitavit.

(1) Notavit celeberrimus *Sauvagesius* quod venenum ab homine rabido communicatum alteri homini minus sit virulentum, quam quod canis aut lupi morfu infligitur. Visa est puella (inquit) à juvene rabido demorsa digito, per mensem rabiem declaratam traxisse & ex eâ fuisse curatam, quod nunquam de alii animalis morfu fuit observatum. *Sauvag. Dissert. sur la rag. N^o. XIII.*

nem multi etiam quos canis momordit servati sunt, & ego multos ante aquæ horrorem exortum curavi; sed hydrophobiâ affectum neminem curatum vidi. Tom. I, lib. X. de cereb. morb. observ. XXVIII, pag. 351.

Dioscorides testatur quod plures demorfos ab aque metu vindicaverit, & etiam ab aliis Medicis noverit servatos; verùm ubi jam hydrophobi erant, nullum novit servatum fuisse.

Ex his omnibus patet quam sit teter hic morbus qui primum symptoma sibi patognomonicum vix adeptus, cum insanabilis habitus est. Ast vero his nostris temporibus viri fortiores, à triâ viâ recedere ausi, alia & minime quidem inefficacia remedia ad rabiem etiam in summo gradu debellandam excogitaverunt, uti in hujus morbi curatione patebit.

Rabiei curatio.

Nullus forsan pro agyrtis faustiùs grassans extitit morbus quam rabies, ducentos enim inter homines ab animalibus quibuscunque, à canibus scilicet) centum & quinquaginta ex his diris quidem, ast non rabiosis fuerunt demorfi; non enim canes omnes quos quotidie fustibus & furcis sicut rabidos prosequuntur pagani hoc morbo vexantur, sufficit enim ut terreantur isti merus aspectus canis extranei, errabundi vagantis, vel heri ob errorem viarum obliti. Quinquaginta alii à rabido animali demorfi supponantur, horum viginti

quinque minimùm , seu quia vulnus non fuit infectum , dentibus animalis per crassa vestimenta detersis , seu quia sanguine continuo depluente , aut lautionibus ritè & citò celebratis fuerit mundatum , hocce morbo tuentur : ex viginti quinque infectis octodecim tantum , quia ut plurimum sicuti diximus , intra quadragesimum morbus evolvitur , hocce corripientur ; dum in octo aliis , pluribus sæpissime ab hinc annis apparebit.

Ad quoscumque horum accitus agyrta , rabie jam manifestâ correptos deserit , ad recens morsos festinat , cunctis vulnera sanat & ad cicatricem adducit , eventus parum sollicitus.

Quadraginta diebus revolutis , se sanatos fuisse cum tamen non ægrotaverint , vel cum adhuc rabiei semen in sinu foveant existimantes demorsi , agyrta hunc ad cælum usque extollunt ; it fama per urbem itque per arva , petitur ubique , ubique vadit , ubique simili modo curat. Quos verò post quadraginta dies sanatos sibi-fingeat plebecula universa , ferius ocius rabie torquentur (1) : ast cum numerus à ra-

(1) Témoin dans un genre différent le fameux *Frere Jacques* le plus dangereux coupeur de vessies qui ait jamais existé , même dans les moines des Révérends Freres de l'Ordre de St. Jean de Dieu , qui se fit une réputation si étendue que tout Paris ne juroit que par le Frere Jacques ; sur le bruit de ses exploits ce Frere est appelé à Fontainebleau où la Cour étoit alors , il y taille impitoyablement tous ceux que leur mauvaise étoile faisoit tomber sous sa main ; il part bien vite de cette Ville , mais nanti des certificats les plus pompeux , sous les auspices desquels il court tout le Royaume , évitant néanmoins toujours de séjourner long-temps dans les Villes où il avoit opéré des prétendues mer-

bido animali infectorum multum impar sit numero demorforum ; cum præterea tardò sæpissime venenum evolvatur quod nempe ut jam annotavimus in corpore per plures annos latitare valet , parvi inter est agyrtae , modò lucrum , imò gloriam citò sibi comparaverit.

Talibus positis Medico cordato veniet in munus prophylacticam non tantum sed & therapeuticam hujus morbi curam operandi se præbere capacem. Quam ultimam curæ speciem agyrta vel ciniflo quivis , & quidem audacior , nunquam suscipere ausus est.

Idcirco fraude palàm revelatâ , rabie definitâ , ipsius causis , diagnosi , prognosi accurate descriptis , nunc tum ad prophylacticam , tum ad therapeuticam hujus morbi curationem remedia efficaciora hucusque excogitata , oculis vestris subjicienda veniunt.

Rabiei curatio prophylactica.

Quoquo modo veneni cujuslibet animalis , hominis corpori fiat insitio ; si pars affecta absque periculo vitæ rescindi possit , quantocypus rescindatur ; crudele quidem videtur hoc consi-

veilles , & sur-tout d'y retourner lorsqu'il en étoit sorti : il avoit raison , le Frere Jacques , car de tous ceux qu'il avoit taillé , la moitié périssoit peu de jours après son départ , & l'autre moitié restoit affligée d'incommodités incurables.

Voyez , pour l'histoire du Frere Jacques , Heister , tom. 2. Pag. 342. 345. Dionis , des opérat. de Chirurg. 3e. démonst. Pag. 239.

lium, sed nemo qui horrendum hujus morbi exitum noverit; mutilatione corporis tam calamitosam mortem redimere hæsitabit.

Sin minus, ut à contagio suscepto locus affectus præservetur, profundis stellatisque scarificationibus (1) protinus pertundatur, salis marini saponis-ve dissolutione in aquâ, abluatur; imponantur cucurbitæ; ad ipsius vicinia applicentur sanguisugæ, ita molito copioso sanguinis effluxu: dein ferro candente (2) aut antimonii butyro; juxta vulnus & in ipso vulnere profunda fiat ustio.

Diu maneat apertum vulnus (3), huic su-

(1) Utilissimas semper fuisse in tali casu scarificationes ignita, cauteria, acrium applicationes, auctores etiam antiquissimi testantur: apud *Amatum Lusitanum* leguntur sequentia: puer annos 12 natus à cane palustrum continuo comitante demorsus in crure, die sequenti; eâdem horâ rigore succedente, ingenti postea febre correptus est; accito Chirurgo, demorsum locum scarificare jussi, non nisi profundioribus incisuris & calido vino lavare; optime absterfo loco affecto, hoc emplastrum admovi: cæpam unam acrem accipiebam, alliorum caput sive radicem mediam, theriaces optimæ unci. dimid. foliorum marrubii fetidi melissæ, pars. æq. manip. dimid. rubæ minoris unciam dimidiam fermenti unciam dimidiam, pistentur, & loco affecto supponantur, quibus puer brevi sanitatem obtinuit. Cent. 5. curat. 45.

Primò itaque vulnus latius efficies, deinde totum in circuitu locum scarificabis; vulnus etiam inures latioribus cauteriis ignitis, postea porri semina cum sale trita, aut allia aut cæpas assumens illines. *Aëtius*.

(2) Ausus fuit *Dekkerus* per suram à cane rabido morsam cauterium quam maxime candens ad os usque adigere, & quidem felici cum eventu. Exercit. pract. pag. 566.

(3) Primum consilium est ut non claudatur vulnus, & si clausum fuerit, statim aperiatur, ut putredo & sanies effluant; quia solet latere venenum per multa tempora. Aperiatur igitur cum phlebotome, vel si apertum sit, super ponatur ventosa, vel juxta vulnus apponantur sanguisugæ. *Gilbert Anglic. lib. 7. de morfu canis rabidi.*

per imponatur emplastrum de unguento matris butyro recentiori illinito; quod emplastrum donec mortuum separetur à vivo protrahi necesse erit; quæ separatio, iteratis scarificationibus properabitur.

Escharrum jam deciduum, aut gentianæ, aut iridis florentinæ radices frustis implenda est plaga, ut in ea fonticulus quidam (1) instituat, & si ante quadragesimum diem coiverit, sive scalpello, sive novâ unctione renovandum vulnus, & ad plures usque menses apertum tenendum erit.

Quod leviter erodentibus, v. g. præcipitato rubro unguentis digestivis misto, vel frequenti applicatione muriæ cum aceto, facile obtinebitur. Ast si primis morbi diebus talia neglecta fuerint remedia; purgantia hydragoga, inter ea præcipuè mediæ sambuci corticis succus, venient usurpanda. Unde sequentia habet *dioscorides* (2): alia curationis ineunda ratio, nimirum imperanda purgatio, quæ dum corpus agitando, ipsius habitum transmutat, magnum adfert adjumentum.

Testatur *Salvus Diversus* quod neminem viderit, neque audiverit, cujus ulcus rectâ cum ratione fuit pertractatum, rabie correptum fuisse. De febre. pestil. &c. pag. 168.

(1) Felix enim curæ successus apud *Hyldanum* legitur, dum emul escharrâ deciduâ, pisum vulneri imposuerat, uti in fonticulis fieri solet. observat. Chirurg. cent. I. observat. LXXXVI. pag. 62.

Oportet autem locum demorsum à rabioso cane vel à serpente, diu tenere in exulcerationem, neque pati cicatricem ducere, ut virus illâc pertrahatur. *Scribonius largus*, N°. CLXXI, CLXXII. pag. 120.

(2) Theriac. cap. 3. pag. 426.

Omniū autem remedium efficacissimum laudabat helleborisimū *dioscordes*, imprimis si ante quadragesimū diem adhiberetur; tantam, inquit, vim habet id genus auxilii, ut nonnulli qui jam aquæ metu prehendebantur, in ipso primo morbi insultu helleborum sumentes incolumes evaserint. Nam ipso malo jam detentos nequidem helleborus servare posset.

Commendavit hieram uti etiam *Aëtius* (1), & *Ægineta* (2), imprimis illam quæ additâ *colocynthide* purgabat fortius.

Salus diversus (3), valde etiam helleborum binis in aceto coctionibus mitigatum, in hoc morbo commendavit.

Rutâ, scordio infusis acetum medicatum factum in aqua dilutum, & tepidum mane in lecto potatum, sicut huic morbo curando, apertissimum sudoriferum suasit *Van-Swieten*, & præcipuè si simul locus demorsus foveatur linteo poscâ calidâ madido.

Ex sudore multa adhuc bona expectavit *dioscorides* (4) habens sequentia: præter hæc sudores & ante cibum & post cibum eliciendi, quin & dropaces & sinapismi universo corpori alternatim applicandi.

Celsus & etiam cum talia dixerit: quidam post rabiosi canis morsum, protinus in bal-

(1) Lib. VI. cap. XXIV. pag. 18.

(2) Lib. 5. cap. III. pag. 75.

(3) De febr. pestil. &c. pag. 371.

(4) Theriac, cap. 3. pag. 426.

neum mittunt, eumque ibi patiuntur defundere, dum vires corporis finunt; vulnere aperto, quo magis ex eo quoque virus destillet, deinde multo meracoque vino excipiant quod omnibus venenis contrarium est idque cum ita per triduum factum est, tutus esse homo putatur. De Medicin. lib. V, cap. XXVII, n°. 11, pag. 308.

Ex his omnibus concludendum venit, Medicum omni curâ transitum veneni ad interiora corporis præpedire citò, & si jam hùc penetraverit expellere ad exteriora attrahere debere; verum cum ad genuinum huncce scopum attingendum nulla mihi supradictis visa fuerint efficaciora remedia, ad alteram rabiei curationis speciem therapeuticam scilicet, propero pede devenimus.

Rabiei curatio therapeutica.

Cum triplex in rabie gradus fuerit distinctus, triplex itidem curationis methodus venit instituenda; sit igitur,

Primi rabiei gradus seu rabiei imminantis curatio.

Cum rabidi animalis morfu venenum communicatum reddi actuosum inceperit, quod supradictis symptomatibus facile noscetur; remediis efficacioribus infaustum diri hujusce morbi exitum Medico maxime præca-

vendum veniet, & cum tota hujus morbi historia suadeat hunc ad diathesim summoperè inflammatoriam ad gangrænam citò tendentem vergere; potentiora remedia antiphlogistica, quæ inter venæ-sectiones ad animi deliquium usque institutæ, clysmata nitrata, notabile semper ægris levamen afferre debuerunt.

Tanti momenti in hoc morbo semper habitata fuit venæ-sectio, ut hanc repetere non dubitaverint Medici licèt extrema corporis instar cadaveris rigescerint nec pulsus amplius percipi posset.

Clysmata multum etiam conducunt, quæ scilicèt bibulis intestinorum venis resorpta, quamdam liquidi copiam sanguini subministrare non solum, sed & ob salinum stimulum crassa intestina abluere, & contentas in his feces expellere valent.

Valdè in hoc morbo clysmatum usum commendavit *Cæcilius Aurelianus* (1).

His præmissis ad hydrargiri aut ipsius præparationum administrationem deveniendum.

Sive per frictiones, sive per deglutitionem corpus ineat hydrargirus, solvet humores, horumque copiosiore secretionem & excretionem concitabit; præterea cum in ipso sit mira sialagoga virtus, naturæ omni nixu per salivam sed invanum ut plurimum eliminare conanti, haud parum opitulabitur.

Tanti fecit in rabie hydrargiri usum *James*

(1) *Acut. morb. lib. III. cap. XVI. N°. CXXX, pag. 231.*

(1) ut dicere non dubitaverit morbum hunc gravissimum, saltem ubi primum gradum non excefferit, mercurio sive salivam moveat, sive non moveat cedere.

Illustrissimus *Desault* in optimâ suâ de rabie dissertatione (2) narrat quod quatuor homines eodem die à lupo rabido demorsi & omnes mari immerfi, frigidâ quamvis hyeme; bini ex his paucis diebus postea, hydrophobi fuerunt facti; reliqui duo funesto hoc exitu perterriti, cum jam imminentis hydrophobiæ observarent signa, consilium petierunt, licet se maris balneo antea satis tutos credidissent: statim cicatrices vulnerum & totum brachium illinivit unguento mercuriali, tribus diebus successivis hanc inunctionem repetiit; tuncque inceperunt cicatrices antea elevatae & induratae deprimi & emolliri; deditque simul pulverem *Palmarii* (3) postea diebus alternis inunctionem mercurialem adhibuit, tali cum eventu ut uterque curatus fuerit integrè.

Hydrargiri præparationes introrsum multum profuisse in curâ rabiei pariter constat; hæc inter pro efficacissimo medicamine habetur

(1) A. new. method. of. curiug. &c. madness. pag. 4, 5.

(2) 1734. in 12.

(3) Ut fiat pulvis palmarii, recipe fol. verbennæ, rutæ, salviæ minoris, plantaginis, polypodii; absinthii vulgaris, menthæ, artemisiæ, melissophylli, betonicæ, hyperici, centaurii minoris, singularum æquale pondus: datur ad drachmam dimidiam cum dragma sacchari, vel in vino, vel in pomaceo vel in jusculo, vel in butyro, vel in melle opiatae formâ, jejuno stomacho, & tribus quotidie ante cibum horis.

moschus cum cinnabari, quæ seorsim trita in pulverem tenuissimam, dein miscentur & exhibentur cum haustulo spiritus ardentis ex vino vel oriza præparati; vel sub formâ boli syrupo aut conservâ quâdam exceptâ.

Plerumque intra duarum triumve horarum spatium, blandus ex hoc somnus, sat magnaue perspiratio sequentur; quæ nisi succedant, repetatur eadem hujus medicamini dosi, unde expectanda curatio (1). Laudatur autem illud remedium & ad prophylacticam curam si detur statim post morsum, vel tam citò quam fieri possit, (aliis remediis non ideo neglectis) tuncque per triginta dies, ab hydrophobiâ tutum facit hominem demorsum; quo tempore elapso, datur denuo eadem dosi.

Ubi verò jam aliqua hydrophobiæ signa adsunt, tunc secunda dosi hujus pulveris præscribenda est tribus horis post primam dosim assumptam & certa tunc promittitur cura (2).

Hanc methodum mire successisse testatur & celeberrimus *Sauvagesius* in optimâ suâ dissertatione sur la nature & la cause de la rage (3). Non autem mirum videbitur quod moschus altâ dosi hic præscriptus præstantes effectus edat, cum is, uti recentiorum observationibus constat, in morbis malignis, petechialibus, uti & in convulsivis egregiâ virtute donetur.

(1) Philosoph. transact. n°. CCCLXXIV. vol. XLIII. pag. 226.

(2) James, anew. method. of curing. madness. pag. 33. 34.

(3) Pag. 53. 54. 58. 59.

Exemplum curationis per mercurialia præparata nobis adhuc suppeditat *James* (1): in juvene inquit, à cane rabido demorso, cui post sex dies jam aderant insolita mœstitia, tremores, somni perturbati, tendinum subsultus; datus fuit vespere bolus confectus ex quatuor granis turpeti mineralis (2), scrupulo lapidis contraïervæ & theriacæ andromachi paululo, ut bolus inde fieri posset; nocte sequenti, paulum dormivit & sudavit; die sequenti bis alvum liquidam deposuit. Bolum similem vespere die sequenti sumpsit, unde somnus longior & largior etiam sudor, bis adhuc alvum deposuit, atque omnia symptomata minuebantur; tertium autem bolum sumpsit vespere denuò, undè placidè dormivit, copiosè sudavit & manè sanus vegetusque surrexit.

Attamen libenter existimarem quod ut hydrargirus venenum adeò latentem expellere queat, necessarius foret ipsius ad secundas vias transitus non solum, sed & etiam in his commoratio, quæ quidem haud facilè obtinebitur sive dosi fortiori sola, sive parcâ dosi purgantibus aliis juncta, mercurialia administrentur præparata. Undè longè mihi, etiam in hoc casu, mercurii frictiones per extinctionem institutæ, utiliores futuras esse videntur.

(1) A new method. of curing madness. pag. 33. 34.

(2) Hanc mercurii præparationem aliis multi in hoc morbo curando anteposuerunt auctores & inter hos præcipue celeberrimus *Sauvagesius*. Dissert. sur la nature & la cause de la rage, page. 43. 54. 58 & 59.

His per transfennam dictis ad secundi rabiei gradus curationem deveniamus.

Secundi rabiei gradus seu rabiei incipientis curatio.

Remediis supra recensitis vel neglectis, vel ob moram nimiam, ad horrorem aquæ præcavendam minimè suffectis, his & alia sunt jungenda quorum efficaciam dometur non tantum, sed & ad imas radices usque, virus licet jam actuosum factum destruat.

In rabie imminente hydrargirum, camphoram, antidota varia tanquam heroica auxilia celebravimus, ast cum jam sit ingens vitæ periculum, tum quod morbus ille celeri gradu sua stadia percurrat, tum quod extremum periodum adeptus, longè magis sit anceps ipsius eventus, remedia potentissima prioribus juncta, venient etiam usurpanda.

Magno cum apparatu in mare factas immersiones ad suffocationem usque (1), imò

(1) Neque vidi hætenus quemquam, licet viderim plurimos cui tempestivè in mare projecto, quidquam sinistri post modum evenit. Sic salutari hoc remedio vel flocci facto, vel tarde ac timide adhibito, dedere multi irreparabiles suæ incuriæ pœnas. *Tulpius. observ. Medici. lib. I. cap. XX, pag. 41.*

Helmontius vidit trans natantem navem & in eâ senem nudum, funibus vinctum, pondus in pedibus habentem; subter axillas zonâ cingebatur, quâ ad antennam ligatus erat. Unus è nautis dixit senem illum jam hydrophobum & à rabiente animali fuisse demorsum pridem. Credebat *Helmontius* quod miserum suffocare sub aquis in animo haberent, ne propageretur contagium;

& placidus aquæ marinæ potus (1), summè profuisse testantur nonnulli & quidem fide dignissimi Auctores. Cum autem non semper tale remedium, licet quidem optimum, hydrophobiam curare valuerit; simul & alia ad hunc morbum debellandum aptissima hucusque habita, præscribenda esse putamus.

Quamobrem manè aquâ marinâ immersus eaque satiatus æger, duobus granis tartari stibati in aquâ calidâ soluti, interdum purgetur; ad meridiem vero aquæ tepidæ balneo assumpto, mercurialis frictio modò parti unæ,

ast nauta audacter promittebat, senem post redditurum sanum. Pretio impetravit *Helmontius* ut testis & socius esset hujus curationis, viditque quod senem prius in altum sublatum in mare præcipitem dederint & sub aquis retinuerint tanto tempore quo psalmus *miserere* recitari potuisset; postea binis vicibus hunc adhuc submerferunt, sed non tandiu. Dumque mortuum senem suspicaretur *Helmontius*, solutis vinclis, cepit aquam marinam quam hauserat evomere & revixit postea rabie liber. hort. Medicin. tractat. idea demens. n°. XLVII. pag. 227. 228.

Verum & alius casus legitur de puellâ viginti annorum quæ jam hydrophoba cum esset, immergebatur aquâ satis frigidâ in quâ copiosus sal marinus erat dissolutus: repetebatur frequenter hæc immersio, & postquam diu sic illam vexaverant, relinquebatur in balneo tota quasi stupefacta; mirabatur dein hæc ægra quod jam aquam absque horrore videre poterat. Postea febricitabat quidem, sed communi methodo feliciter tractabatur hæc febris, à quâ mensis circiter spatio evasit. Académ. des scienc. ann. 1699. Histoire pag. 78.

(1) Philosophus quidam (inquit *Aëtius*) à cane rabido morsus & egregiâ animi virtute passioni resistens, dum se aquæ horrore persecutum videret, balneum intrare ausus est imperterritus bibit, atque ita morbum superavit & sanitatem adeptus est. Unicum tamen remedium est, nec opinantem in piscinam non antè ei provisam, projicere & si natandi scientiam non habet modòmersum bibere pati, modò attollere; si habet interdum deprimere, ut invitus quoque aquâ satiatur. Sic enim & sitis & metus aquæ tollitur. *Celsus*, de Medicin. lib. V. cap. XXVII, n°. 2, pag. 308.

modo alteri celebretur ; quæ frictio ex unguento parte æquali mercurii ac pinguedinis confectio parabitur. Ter in die per triduum tales erunt administrandæ frictiones, harum quæque balneo tepido præcedetur ; quibus peractis si superveniat salivatio, hæc tunc usitatis in pari circumstantiâ remediis, erit coercenda.

Eodem tempore turpeti mineralis grana quinque vel sex præscribantur, fiant etiam boli ex camphoræ & nitri granis octo, moschi granis duobus ; mellis parum addatur, ut efformentur tres boli quorum ante balneum prior, post balneum alter, tertius vero ineunte nocte sumentur.

Post boli cujusque assumptionem, pauculum infusi tiliaë florum cui octo vel decim guttæ spiritus alkali volatilis vel aquæ lucæ addentur, æger vel invitus hauriat. Verum si nimia sit agitatio, si somnus nullus, in ultimo tunc tiliaë infusioni scyatho spiritus alkali volatilis loco, syrupum diacodion ad quatuor aut quinque drachmas, opium ad unum alterumve granum, seu laudanum liquidum ad debitam dosim substituentur. Quæ tamen ultima potio, si dolor capitis ingens, æstus vehemens, pulsus plenus adsit, saphenæ sectione præcedatur.

Verum si his celebratis in pejus abeat æger, tunc fiet rabies extrema.

Tertii rabiei gradus seu rabiei extremæ curatio.

Licet in hoc rabiei gradu multò minor Medi-

co curationis spes adsit , non ideò admodùm desperata salus ; nonnulli enim accuratâ metho- do tractati, ex ipso mortis limine fuerunt educti.

Non jam per drachmas unguenti in die , sed per semi uncias , uncias etiam aliquando , sunt admini- strandæ (1) hydrargiri frictiones ; idem erit in tam ancipiti casu de aliis remediis quæ qui- dem nisi altissimâ dosi sumantur , nullum ægro- tanti afferrent auxilium largæ idcirco , sæpe repe- titæ & ad animi deliquium usquè protractæ fiant -venæ sectiones ; si liquidum nullatenus deglu- tire queat ær , adhibeantur citò clysmata ex anti-spasmodicis potentioribus quibus aquæ lucæ viginti guttæ addentur ; quotidie , imò bis in die , frictiones mercuriales instituantur. Si sinant vires ter quaterve in die in balneo tepido mit- tatur. Turpeti mineralis adhuc augeatur dosis & ad grana decem usque protrahatur si requi- rit casus ; boli quantitate majori sumantur , generosâ manu vel opium vel opii præparata administrentur , & si nihil talia proficiant , his jungatur aceti & quidem acerrimi frequens & copiosa administratio.

Multum etiam ad hunc morbum expugnan- dum meloe pro scarabæum à *Sennerto* cele- bratum jactaverunt quidam è recentioribus , ast cum hujus animalis tam fausta proprietas mihi non sat adhuc probata visa fuerit de hoc sermonem abstinebo.

In toto autem morbi decursu ægri victus

(1) Adultis.

fit humectans , tenuis , dulcis , refrigerans , è regno vegetabili desumptus : attamen si tali regimine pertæsus æger carnes valdè appetere , illi tunc agninâ vel tenerimâ quâlibet carne vesci permittatur. Exercitio moderato recreetur , vehementes animi affectiones effugiat , & si melancholico temperamento doneatur , hanc infaustam dispositionem placidis voluptatibus emendare curet , nullo enim in morbo plus quam in rabie potuit hilaritas.

Hæc sunt Patres ornatissimi quæ de rabie disceptaturus , ex Auctoribus fide dignissimis colligere valuerim nundum propriis meis observationibus edoctus : felix ego si non vobis displiceat hæc in arvo alieno collecta messis ; felicior si messor omninò segnis aut incassum alacer à vobis non habear.

F I N I S.

ARGUMENTABUNTUR

N. N. D. D. PROFESSORES REGII.

N. D. PAULUS-JOSEPHUS DE BARTHEZ , *Cancellarius & Judex.*

N. D. GASPARDUS-JOANNES RENÉ , *Decanus.*

N. D. ANTONIUS GOUAN , *Pro-Decanus.*

N. D. FRANCISCUS BROUSSONET.

N. D. FRANCISCUS VIGAROUS.

N. D. JOANNES SABATIER.

N. D. JOANNES CAROLUS DE GRIMAUD.

N. D. HENRICUS-LUDOVICUS BRUN.